




Y Ni, y Bobl

Maniffesto di-lol UKIP ar gyfer
etholiadau Cynulliad Cymru, 2011

0800 587 6 587

ukipwales.org



Neges oddi wrth Nigel Farage ASE, Arweinydd UKIP



Pŵer i'r bobl leol

PLAID Annibyniaeth y DU yw'r unig blaid sy'n hyrwyddo democratiaeth bellach. Dim ond UKIP, o blith y pleidiau gwleidyddol o ddifrif, sy'n dweud mai dim ond y ni, pobl Prydain, neu'r rheiny rydym ni'n eu hethol, ddylai wneud ein cyfreithiau neu ein trethu.

Dim ond UKIP sy'n ymddiried ym mhobl Cymru a Phrydain i arfer hawl newydd i fynnu refferendwm deddfwriaethol ar unrhyw gyfraith, boed yn un sy'n bodoli neu'n un arfaethedig. Bydd y rheiny rydym ni'n eu hethol yn rhwym i ganlyniad unrhyw refferendwm. Y ni, y bobl, fydd yn rheoli unwaith eto. Dim ond UKIP sy'n cyfaddef na all gwleidyddwyr blesio pawb. Ond gallwn ni o leiaf ymgynghori â phawb. Gallwn o leiaf fod yn rhwym i ewyllys pobl. Dyna ddiben refferenda deddfwriaethol UKIP. Dyna ddiben democratiaeth. Mae ein cynigion i adnewyddu ac adfywio democratiaeth Prydain yn chwyldro, dim llai. Bwriad y chwyldro hwnnw yw rhoi'r holl bŵer gwleidyddol gwirioneddol lle y dylai fod – â chi.

Pa ffordd bynnag y byddwch chi'n defnyddio'ch pleidlais gyntaf yn etholiadau Cynulliad Cymru, defnyddiwch eich ail bleidlais neu'ch pleidlais ranbarthol i adennill democratiaeth Prydain oddi wrth y Comisariaid sydd heb eu hethol ym Mrwsel; i ddod â gwir ddemocratiaeth uniongyrchol i Gymru; i gael ASau Cymreig San Steffan i dreulio un wythnos y mis yng Nghymru yn lle bod ag aelodau o Gynulliad Cymru; ac i gyflwyno awdurdodau heddlu a byrddau iechyd etholedig yng Nghymru er mwyn rhoi'r bobl lle y dylent fod – yn rheoli ein gwasanaethau cyhoeddus gwych.

Heddiw, mae llywodraeth yng Nghymru a ledled y DU yn fwyfwy pell oddi wrth yr etholwyr. Rydym ni eisiau newid hynny. Rydym ni eisiau i Brydain ddod allan o'r UE annemocrataidd, ond cadw masnach rydd ag ef, fel ein bod ni, y bobl, yn gallu llywodraethu ein hunain eto drwy gyfrwng y blwch pleidleisio. Nid yw'n gas gennym ni Ewrop: rydym ni'n caru democratiaeth. Rydym ni eisiau i'n Teyrnas Unedig, cenedl Cymru a'n cynghorau lleol redeg eu materion eu hunain heb ymyrraeth biwrocratiaid pell sydd heb eu hethol ac sydd â fawr o ddealltwriaeth o anghenion a gobeithion pobl Cymru.

Yn ôl amcangyfrif swyddogol Llywodraeth yr Almaen, mae'r UE yn gorfodi pum allan o bob chwe chyfraith sy'n cael eu pasio yn Ewrop arnom ni, sef cyfreithiau gan Gomisariaid a biwrocratiaid ym Mrwsel na wnaethom ni, pobl Ewrop, eu hethol. Polisi swyddogol UKIP yw y bydd chwech o bob chwe chyfraith a fydd yn cael eu pasio ym Mhrydain ar gyfer Prydeinwyr ac yng Nghymru ar gyfer y Cymry'n cael eu pasio gennym ni, neu gan y rheiny y byddwn ni'n eu hethol, ac nid gan unrhyw un arall.

Rydym ni'n falch o fod yn Brydeinig, a hefyd yn falch o'n hunaniaethau cenedlaethol yn y DU. Mae UKIP o'r farn bod pedair colofn fawr ein Teyrnas Unedig yn gweithio'n well gyda'i gilydd nag y byddent ar wahân, ac yn gweithio gorau oll pan mae'r bobl yn eu rheoli. Rydym ni'n cymeradwyo'r manifesto di-lol, democrataidd, rhesymol, radical, byr hwn i chi, y bobl.

Nigel Farage ASE

Democratiaeth yn gyntaf. Rheolaeth i'r bobl

Byddwn ni –

- Yn adnewyddu Cynulliad Cymru, ond ar ffurf lai costus o lawer
- Yn cael gwared ag Aelodau Cynulliad, sy'n cael eu talu gormod ond sydd heb ddigon i'w wneud
- Yn cael ASau Cymreig San Steffan i'w disodli, gan gyfarfod un wythnos y mis yng Nghymru
- Yn adfywio ein democratiaeth â refferenda deddfwriaethol cyfrwymol
- Yn adleoli biliynau o arian yr UE, a fydd wedi'i arbed, i Gymru a'i phobl
- Yn ailfuddsoddi mewn gwasanaethau amddiffyn, ynni, amddiffynfeydd llifogydd ac arfordiroedd a thrafnidiaeth
- Yn tynnu allan o'r UE ond yn cadw masnach rydd ag ef
- Yn adfer £48 miliwn y dydd trwy adael yr UE
- Yn rhyddhau busnesau Cymru a'n heconomi o fiwrocratiaeth Brwsel
- Yn galw am ethol pob bwrdd iechyd, heddlu ac addysg yng Nghymru
- Yn dychwelyd rheolaeth ar ein gwasanaethau cyhoeddus gwyh i'n pobl wych
- Yn diddymu Deddf Hawliau Dynol Ewrop
- Yn cael Mesur Hawliau Prydain i ddisodli'r Ddeddf Hawliau Dynol
- Yn diddymu Gorchymyn Ymchwiliadau a Gwarant Arestio Ewrop
- Yn adfer democratiaeth Prydain i bobl Prydain

Yr economi: yn erbyn trethi, o blaid swyddi

Byddwn ni –

- Yn cyflwyno Treth Safonol syml i ddisodli treth incwm annheg a chostus

- Yn cael gwared fesul cam â chyfraniadau Yswiriant Gwladol, sef treth ar swyddi
- Yn rhyddhau pob busnes, yn fach a mawr, o fynydd biwrocratiaeth yr UE
- Yn buddsoddi arian yr UE, a fydd wedi'i arbed, i helpu i greu swyddi medrus yng Nghymru
- Yn helpu busnesau Cymru i gyrchu marchnadoedd i werthu iddynt yn y wlad hon ac i allforio iddynt

Mewnfudo: Prydain dros Brydeinwyr yn gyntaf

Byddwn ni –

- Yn dod â mewnfudo torfol y blaid Lafur i ben; gwnaethon nhw ganiatáu i 3 miliwn o bobl ddod i mewn dros 13 o flynyddoedd
- Yn rhewi anheddu parhaol am bum mlynedd i roi trefn ar y system
- Yn cynyddu staff yr Asiantaeth Ffiniau fel bo angen i reoli mewnfudo
- Yn cyflwyno dulliau llym o reoli fisâu
- Yn derbyn gweithwyr allweddol yn unig, am gyfnodau penodol yn unig
- Yn alltudio mewnfudwyr anghyfreithlon a throeddwytr tramor
- Yn cyflwyno'r holl gyfathrebiadau swyddogol yn Gymraeg neu yn Saesneg yn unig
- Yn rhoi'r gorau i waith y Wladwriaeth yn hybu amlddiwylliannaeth. Prydeinwyr ydym ni

Trosedd a chosb: dim mwy o fod yn feddal

Byddwn ni –

- Yn cyflwyno awdurdodau heddlu etholedig, i osod nodau ar gyfer yr heddlu
- Yn grymuso awdurdodau heddlu i gyflogi a diswyddo Prif Gwnstabiliaid

- Yn sicrhau bod yna ddigon o garchardai i gadw troseddwyd dan glo
- Yn gwrthod yr hawl i bleidleisio i bob carcharor
- Yn brwydro yn erbyn gyrfa o droseddu â rheol lle bydd tair euogfarn yn golygu dedfryd lem iawn
- Yn gwneud i ddedfrydau olygu beth maent yn ei ddweud. Bydd am oes yn golygu am oes; ni fydd 6 mis yn golygu 3 wythnos
- Yn anfon troseddwyd ifanc i wersyll ymarfer corff dwys i'w cael i gefnu ar droseddu
- Yn diddymu'r Ddeddf Hawliau Dynol er mwyn i ni allu alltudio eithafwyr tramor

Addysg: rhoi disgyblion a rhieni'n gyntaf

Byddwn ni –

- Yn cynyddu £600 fesul disgybl yng nghyllidebau ysgolion Cymru i gyfateb i rai Lloegr
- Yn galw ar ysgolion i addysgu darllen, ysgrifennu a rhifyddeg i safon dderbyniol i bob disgybl
- Yn sicrhau cyn lleied o ymyrraeth y llywodraeth ganolog yng ngwaith athrawon
- Yn cefnogi athrawon wrth gynnal disgyblaeth yn yr ystafell ddsbarth
- Yn diogelu athrawon rhag cyhuddiadau maleisus
- Ddim yn caniatáu uno dosbarthiadau chwech oni bai bod y mwyafrif o'r rhieni o blaid hynny
- Yn cadw pob ysgol gynradd sydd ag o leiaf 20 o ddisgyblion ar agor
- Yn rhoi'r hawl i rieni ddewis ysgolion i'w plant
- Yn ehangu cyfleoedd mewn hyfforddiant galwedigaethol ac addysg oedolion

Iechyd: rhoi gweithwyr proffesiynol a'r bobl wrth y llyw

Byddwn ni –

- Yn cyflwyno ethol byrddau iechyd ledled Cymru

- Yn cadw gwasanaethau'r GIG yn rhad ac am ddim ym man eu defnyddio
- Yn dod â 'thwristiaeth iechyd' i ben yng Nghymru
- Yn rhoi meddygon a metronau wrth y llyw, yn lle gwleidyddion neu fiwrocratiaid
- Yn rhoi cyfrifoldeb i fetronau am gadw wardiau ysbytai'n lân
- Yn agor meddygfeydd fin nos ac ar ddydd Sadwrn
- Yn cefnogi'r rheiny sy'n gofalu am yr henoed a phobl â salwch tymor hir yn eu cartref
- Yn grymuso ysbytai i hyfforddi mwy o nyrsys
- Yn lleihau'r ddibyniaeth ar staff nyrsio o dramor

Llywodraeth leol: pŵer i'r bobl

Byddwn ni –

- Yn gadael i'r bobl benderfynu ar faterion lleol trwy alw am refferenda cyfrwymol
- Yn cyflwyno ethol awdurdodau heddlu ledled Cymru
- Yn cael gwared â Llywodraeth ar ffurf cabinet
- Yn rhoi'r gorau i gyfreithiau a rheoliadau'r UE sy'n costio miliynau i gydymffurfio â nhw
- Yn rhannu â threthdalwyr yr arbedion o beidio â gwario ar reoliadau trwy gwtogi ar y dreth gyngor
- Yn cyfyngu cyflog pob gweithiwr cyngor i uchafswm o £75,000 y flwyddyn
- Yn cael treth ar werthiannau lleol i ddisodli TAW
- Yn rhoi mwy o reolaeth ariannol i gynghorau trwy roi cyfran o'r dreth ar werthiannau iddynt

Ffermio a physgota: dod â rheolaeth yn ôl i Gymru

Byddwn ni –

- Yn rhyddhau ffermwyr Cymru rhag rheolau, cyfarwyddedau a chwtâu y mae'r UE yn gofodi arnynt

- Yn gwarantu na fydd Taliadau Sengl yn cael eu colli'n sydyn wrth adael yr UE
- Yn cyflwyno Ombwdsmon Archfarchnadoedd i gael prisiau teg i ffermwyr
- Yn ailfynnu ein rheolaeth ar ein dyfroedd i adfer diwydiant pysgota Cymru

Yr amgylchedd: dim mwy o ffermydd gwynt ar ein bryniau

Byddwn ni –

- Yn gwahardd unrhyw ffermydd gwynt ar y tir yn y dyfodol ar y sail eu bod yn niweidio'r amgylchedd
- Yn sicrhau bod yr holl ffermydd gwynt sy'n bodoli ar y tir yn gorfod dilyn gweithdrefnau cynllunio lleol
- Yn galw ar berchnogion ffermydd gwynt y mae pobl leol yn eu herbyn i'w dymchwel
- Yn tynnu cymorthdaliadau'n ôl o weithgareddau pŵer gwynt, tonau a haul ar y sail eu bod yn amherthnasol i'n hinsawdd
- Yn adeiladu gorsafoedd pŵer niwclear i ddiogelu cyflenwad trydan Cymru
- Yn ailfuddsoddi yng nglo Cymru i'w ddefnyddio mewn gweithfeydd pŵer newydd, sy'n llosgi glo yn lanach
- Yn sefydlu Comisiwn Brenhinol i ymchwilio i "gynhesu byd-eang"
- Yn cau'r Adran Newid yn yr Hinsawdd, gan arbed hyd at £18 biliwn y flwyddyn

OND, beth bynnag rydym ni, y bobl, ei eisiau neu'n ei benderfynu...

hoffai UKIP ddwyn sylw at y ffaith mai biwrocratiaid yr UE heb eu hethol sy'n gosod polisi cyffredinol ym meysydd –

- | | |
|-------------------------|-----------------------|
| ● Materion tramor | ● Materion economaidd |
| ● Iechyd cyhoeddus | ● Trafnidiaeth |
| ● Cyfiawnder | ● Ynni |
| ● Cyflogaeth | ● Yr amgylchedd |
| ● Yr heddlu | ● Ffermio |
| ● Materion cymdeithasol | ● Pysgodfeydd |
| ● Mewnfudo | ● Gorfodi'r gyfraith |

Ac ni fydd hynny'n ddigon iddyn Nhw. Dyna pam ein bod ni eisiau ein democratiaeth genedlaethol a lleol yn ôl. Os ydych chi eisiau hynny hefyd, byddwch yn falch o bleidleisio dros UKIP.



0800 587 6 587

ukipwales.org

UK Independence Party, Lexdrum House, Unit 1, King Charles Business Park, Heathfield, Newton Abbot, Devon TQ12 6UT